

Na osnovu odredbi člana 39. Zakona o zaštiti ličnih podataka Bosne i Hercegovine („Sl. glasnik BiH“, broj 12/2025) i člana 25. Pravilnika o sigurnosti i zaštiti ličnih podataka društva „HIT COLOSEUM“ d.o.o. od dana 31.12.2025. godine, direktor društva „HIT COLOSEUM“ d.o.o. donosi

ODLUKU **o imenovanju službenika za zaštitu ličnih podataka (DPO)**

Član 1.

(Imenovanje)

Za Službenika za zaštitu ličnih podataka (DPO) u društvu "HIT COLOSEUM" Društvo sa ograničenom odgovornošću za ugostiteljstvo i turizam d.o.o. Sarajevo, skraćeni naziv: "HIT COLOSEUM" d.o.o. sa sjedištem na adresi Terezija bb Sarajevo, MBS: 65-01-0539-11 (u daljem tekstu: Društvo), imenuje se Sanela Mojević, sa stručnom spremom VSS, e-mail: dpo@coloseum-club.com, telefon: 033 250 896.

Član 2.

(Razlozi imenovanja)

Zbog specifične prirode poslova koje Društvo obavlja i obima obrade ličnih podataka, što uključuje identifikaciju gostiju prilikom ulaska u kazino, stalni video nadzor prostora, praćenje igara radi osiguranja njihove pravilnosti, obradu ličnih podataka zaposlenih, Društvo vrši redovno i sistematsko praćenje lica u velikom obimu, zbog čega postoji zakonska obaveza imenovanja Službenika za zaštitu ličnih podataka.

Član 3.

(Status i nezavisnost Službenika za zaštitu ličnih podataka)

Službenik za zaštitu ličnih podataka obavlja svoje poslove **nezavisno**, bez primanja uputa u vezi s izvršavanjem svojih zadataka.

Službenik za zaštitu ličnih podataka neposredno izvještava upravu društva.

Službenik za zaštitu ličnih podataka ne smije biti sankcionisan niti razriješen zbog urednog i potpunog izvršavanja svojih zakonskih dužnosti.

Službenik za zaštitu ličnih podataka može istovremeno obavljati i druge poslove u Društvu, pod uslovom da ne postoji sukob interesa.

Član 4.

(Opis poslova i odgovornosti DPO-a)

Službenik za zaštitu ličnih podataka obavlja naročito sljedeće poslove:

1) Savjetodavna i nadzorna funkcija

Službenik za zaštitu ličnih podataka informiše i savjetuje Društvo i radnike Društva o obavezama iz oblasti zaštite ličnih podataka, prati usklađenost poslovanja sa Zakonom o zaštiti ličnih podataka BiH, te nadzire primjenu internih akata koji se odnose na zaštitu podataka.

2) Audio-video nadzor i identifikacija gostiju

Službenik za zaštitu ličnih podataka nadzire zakonitost sistema audio-video nadzora, odnosno video nadzora, kontroliše rokove čuvanja snimaka i pristup snimcima, osigurava da se audio-video nadzor, odnosno video nadzor koristi isključivo u zakonite svrhe, prati zakonitost postupaka identifikacije gostiju pri ulasku u kazino.

3) Procjena rizika i DPIA

Službenik za zaštitu ličnih podataka učestvuje u izradi i praćenju procjena uticaja na zaštitu podataka (DPIA), identifikuje rizike po prava i slobode lica čiji se podaci obrađuju, predlaže tehničke i organizacione mjere zaštite.

4) Saradnja sa nadzornim organom

Službenik za zaštitu ličnih podataka predstavlja kontakt-tačku za Agenciju za zaštitu ličnih podataka BiH, saraduje sa Agencijom u postupcima nadzora i kontrole, postupa po zahtjevima i preporukama nadzornog organa.

5) Prava ispitanika

Službenik za zaštitu ličnih podataka postupa po zahtjevima gostiju i radnika (pristup, ispravka, brisanje, ograničenje obrade), vodi evidenciju zaprimljenih zahtjeva i preduzetih radnji.

6) Evidencije i dokumentacija

Službenik za zaštitu ličnih podataka učestvuje u vođenju evidencija aktivnosti obrade, prati ugovore sa obrađivačima, te daje mišljenje o ugovornim klauzulama koje se odnose na zaštitu podataka.

Član 5.

(Povjerljivost)

Službenik za zaštitu ličnih podataka je dužan čuvati povjerljivost svih podataka i informacija do kojih dođe u obavljanju svojih poslova, u skladu sa zakonom i internim aktima društva.

Član 6.

(Javnost podataka)

Podaci o imenovanom službeniku za zaštitu ličnih podataka biće:

- dostavljeni Agenciji za zaštitu ličnih podataka BiH,
- dostupni licima čiji se podaci obrađuju.

Član 7.

(Stupanje na snagu)

Ova Odluka stupa na snagu danom donošenja i biće objavljena na internet stranici Društva.

Broj: 3301/25

Sarajevo, 31.12.2025. godine



"HIT COLOSEUM" d.o.o.


direktor Massimo Leban